

დამტკიცებულია
ბაფ-ის გამგეობის
სხდომაზე ოქმი № 3
20 მარტი 2015 წელი

განახლებულია 24 მაისი 2023 წელი

**საქართველოს პროფესიონალ ბუღალტერთა
და აუდიტორთა ფედერაციის (ბაფი)
წევრებთან ურთიერთობის კომიტეტის**

დ ე ბ უ ლ ე ბ ა

1. ზოგადი დებულებები

- 1.1. **საწევრო კომიტეტი** (შემდგომში „**კომიტეტი**“) წარმოადგენს საქართველოს პროფესიონალ ბუღალტერთა და აუდიტორთა ფედერაციის (შემდგომში ბაფი მუდმივ მოქმედ ორგანოს;
- 1.2. „**კომიტეტი**“ შექმნილია ბაფ-ის წესდებისა და კომიტეტების შესახებ დებულების მოთხოვნებიდან გამომდინარე;
- 1.3. „**კომიტეტი**“ მოწოდებულია ხელი შეუწყოს ბაფ-ის საწესდებო მოთხოვნების შესრულებას და მისი ნამდვილი ასოცირებული და კორპორაციული წევრებისა (შემდგომში-წევრი) და წევრობის კანდიდატების ორგანიზაციული მდგომარეობის ფორმალიზაციას;
- 1.4. „**კომიტეტი**“ თავის მუშაობაში ხელმძღვანელობს წინამდებარე დებულებით, ბაფ-ის წესდებით, ბაფ-ის წევრთა საერთო კრებისა და ბაფ-ის გამგეობის გადაწყვეტილებებით, , აგრეთვე ქვეყანაში მოქმედი საკანონმდებლო აქტებითა და კანონქვემდებარე ნორმატიული აქტებით;
- 1.5. „**კომიტეტის**“ დებულება არეგულირებს მის საქმიანობას. დებულებას ამტკიცებს ბაფ-ის გამგეობა;
- 1.6. „**კომიტეტის**“ ფუნქციის უკეთ განხორციელების მიზნით „**კომიტეტში**“ შეიძლება შეიქმნას ქვეკომიტეტები (განყოფილებები). ქვეკომიტეტები იქმნება „**კომიტეტის**“ გადაწყვეტილებით.. ქვეკომიტეტების შექმნის მიზანს, მათი მუშაობის რეგლამენტს და პერსონალურ შემადგენლობას განსაზღვრავს „**კომიტეტი**“;
- 1.7. „**კომიტეტის**“ გადაწყვეტილებით, „**კომიტეტის**“ ფუნქციები შეიძლება დელეგირებული იყოს ქვეკომიტეტებზე;
- 1.8. **კომიტეტის**“ გადაწყვეტილებები დასამტკიცებლად წარედგინება გამგეობას.
- 1.9. „**კომიტეტის**“ გადაწყვეტილებები სავალდებულოა ბაფ-ის წევრებისათვის.

2. „კომიტეტის“ მიზნები და ამოცანები

2.1. „კომიტეტის“ მიზნებია:

2.1.1. წევრობის კანდიდატების გაწევრება;

2.1.2. ბაფ-ის წევრობის კანდიდატების მიერ წარმოდგენილი დოკუმენტების დროული და ობიექტური განხილვა და გადაწყვეტილების მიღება;

2.1.3. საწევრო კომიტეტს ხმათა უმრავლესობით შეუძლია მიიღოს წევრად ან უარი უთხრას წევრობის კანდიდატს. უარყოფილმა კანდიდატმა უნდა მიიღოს ნათელი განმარტება იმის შესახებ, თუ რატომ ეთქვა უარი. მას უფლება აქვს ხელახლა შეიგანოს თხოვნა წევრობის შესახებ ან მიმართოს ფედერაციის გამგეობას.

2.1.4. ბაფ-ის წევრების რეესტრის წარმოება და საწევრო მოსაკრებლების გადახდის პროგრამული აღრიცხვის უზრუნველყოფა;

2.1.5. ბაფ-ის წევრებზე მათი გარიცხვის და/ან წევრობის შეჩერების შესახებ საკითხის დროული და ობიექტური განხილვა და მიღებული გადაწყვეტილების წარდგენა ბაფ-ის გამგეობის სხდომებზე დასამტკიცებლად;

2.2. „კომიტეტის“ ამოცანები:

2.2.1. ბაფ-ის წევრობის დებულების მიღება-განახლება და გამგეობის სხდომებზე დასამტკიცებლად წარდგენა;

2.2.4. ბაფ-ის წევრების წევრობიდან გასვლის, გარიცხვის ან წევრობის შეჩერების საკითხების შესწავლა, განხილვა და სარეკომენდაციო დასკვნის მომზადება და წარდგენა ბაფ-ის გამგეობის სხდომებზე;

2.2.5. ბაფ-ის წევრების პირადი საქმეების წარმოება, საკონტაქტო ინფორმაციის (ტელეფონი, მელი) განახლება;

2.2.6. განათლების კომიტეტთან თანამშრომლობა ბაფ-ის წევრების სავალდებულო განგრძობითი განათლების მოთხოვნების შესრულების საკითხებზე;

2.2.7. ბაფ-ის წევრების მიმართ გამოყენებული ადმინისტრაციული ღონისძიებების, წევრობის შეჩერების, გარიცხვის ფაქტების შესახებ ჟურნალში „ბულალტრული აღრიცხვა“ ან/და ბაფ-ის ვებ გვერდზე გამოქვეყნება;

2.2.8. „კომიტეტის“ მიერ მიღებული და ჟურნალში „ბულალტრული აღრიცხვა“ ან/და ბაფ-ის ვებგვერდზე გამოქვეყნებული გადაწყვეტილებები ბაფ-ის წევრების მიმართ გამოყენებული ადმინისტრაციული ღონისძიებების შესახებ არის ოფიციალური და გამოქვეყნების შემდგომ ბაფ-ის წევრების პრეტენზიები მათი გაუფრთხილებლობის შესახებ მხედველობაში არ მიიღება;

3. „კომიტეტის“ შემადგენლობა და მუშაობის წესი

3.1 „კომიტეტის“ შემადგენლობა ფორმირდება ბაფ-ის წევრებისაგან. „კომიტეტის“ წევრად შეიძლება მოწვეულ და არჩეულ იქნას ბაფ-ის არაწევრი პიროვნება;

- 3.2. „კომიტეტის“ რაოდენობრივ და პერსონალურ შემადგენლობას ირჩევს და ამტკიცებს ბაფ-ის გაბგეობა, კომიტეტის თავმჯდომარის წარდგინებით;
- 3.3. „კომიტეტი“ ირჩევა ორი წლის ვადით. ამ ვადის გასვლის შემდგომ „კომიტეტი“ აგრძელებს თავისი ფუნქციების შესრულებას ახალი შემადგენლობის არჩევამდე.
- 3.4. „კომიტეტის“ ყოველი წევრი შეიძლება არჩეული იქნას ახალი ვადით. ახალი ვადით არჩევა შეზღუდული არ არის; კომიტეტის“ ყოველ წევრს აქვს ერთი ხმის უფლება;,,
- 3.5. თავისი საქმიანობის წარმატებით განხორციელების მიზნით „კომიტეტი“ უფლებამოსილია „კომიტეტის“ სხდომაზე მოიწვიოს ბაფ-ის წევრი და არა წევრი სპეციალისტები სათათბირო ხმის უფლებით;
- 3.6. „კომიტეტის“ თავმჯდომარეს ამტკიცებს ბაფ-ის გამგეობა. „კომიტეტის“ თავმჯდომარე შეიძლება არ იყოს ბაფ-ის გამგეობის წევრი;
- 3.7. თავმჯდომარე ხელმძღვანელობს „კომიტეტის“ მუშაობას, იწვევს და თავმჯდომარეობს „კომიტეტის“ სხდომებს, წარმოადგენს მას ბაფ-ის გაბგეობისა და ბაფ-ის წევრთა საერთო კრებაზე;
- 3.8. თავმჯდომარე უფლებამოსილია, საჭიროების შემთხვევაში, ბაფ-ის გამგეობის წინაშე დააყენოს „კომიტეტის“ შემადგენლობიდან მისი ცალკეული წევრების გაყვანის საკითხი;
- 3.9. „კომიტეტის“ სხდომებს აგარებს მისი თავმჯდომარე. მისი არ ყოფნის შემთხვევაში და თუ თავმჯდომარეს არავითარი მითითება არ ექნება მიცემული, „კომიტეტის“ დამსწრე წევრები თავიანთი შემადგენლობიდან ირჩევენ სხდომის თავმჯდომარეს;
- 3.10. „კომიტეტის“ სხდომა უფლებამოსილია თუ მას ესწრება მისი შემადგენლობის ნახევარზე მეტი. „კომიტეტის“ გადაწყვეტილების მისაღებად აუცილებელია სხდომის მონაწილე წევრთა უბრალო უმრავლესობა;
- 3.11. „კომიტეტის“ სხდომა შეიძლება ჩაგარდეს გამოკითხვის წესით;
- 3.12. „კომიტეტის“ სხდომა ფორმდება შესაბამისი ოქმით;
- 3.13. „კომიტეტის“ წევრები ვალდებული არიან რეგულარულად მიიღონ მონაწილეობა „კომიტეტის“ სხდომებში. წევრი რომელიც უმიზეზოდ გააცდენს მიდინარე წელს ჩატარებული სხდომების 50%-ს, წევრთა უმრავლესობის თანხმობით და თავმჯდომარის გადაწყვეტილებით გაყვანილი იქნება „კომიტეტის“ შემადგენლობიდან. ეს გადაწყვეტილება უნდა დამტკიცდეს ბაფ-ის გაბგეობის სხდომაზე.
- 3.14. „კომიტეტის“ წევრის არაკომპენეტურობის შემთხვევაში თავმჯდომარის ან წევრთა 2/3-ის ინიციატივით ბაფ-ის გამგეობის სხდომაზე ღდება საკითხი ასეთი წევრის „კომიტეტის“ შემადგენლობიდან გაყვანის შესახებ.

მუხლი 9. კომიტეტის ანგარიში

კომიტეტი ექვს თვეში ერთჯერ თავისი საქმიანობის შესახებ ანგარიშს წარუდგენს ბაფის გამგეობას.